

# اسلام کبریٰ

شعاری : « دینی برہیات ، حیاتی برہبرہ » در .

نیل ۱ - صائی ۱۸  
۱۳ صفر ۱۳۳۳  
۱۸ کانون اول ۱۳۳۰  
جلد ۲  
مدیری : حلیم ثابت

قرآنہ کریم

سورۃ بقرہ دن « ان الله لا يستحي ان يشرب مثلاً . . . » آیت کریمہ سنک مفہوم شریفی  
[حاشیہ لی مفہوم قرآندن] . . . . . مناسرتلی رفعت صرحوم

تلقى ایتسی اوزرینہ تو اب رحیم اولان جناب حقہ تویہ ایتدی .  
 (۳۸) جہاہ کز یرہ اینک بندن سزه هدایت کلدیکنده هر کیم که اول هدایتہ  
 تابع اولورسه انلر ایچون خوف و خزن یوقدر (۳۹) کافر اولانلر و آیتلریمزی  
 تکذیب ایدنلر اهل ناردن اولوب دائمی جهنمکلر در .

## مطبه

الحمد لله وحده . والصلاة والسلام على من لا نبی بعده .

ای ناس ، کلیکز ؛ دیکلیکز . بللیکز ؛ عبرت آلیکز . مسلمانلق دینی نیچون  
 دنیاہ کیش ؛ انسانلره ناصل اییلکر ، نورلر صاحبش ؛ بو یوجه دین دنیاہ  
 کیش ، انسانلری اکری یولدن قورتارمق ایچون ؛ طوغری یولہ واردیرمق  
 ایچون . انسانلره هدایت نورلری صاحبق ایچون ؛ تولو قلبلری ، عاطل روحلری  
 دیریلتمک صارصمق ایچون . بری بریتہ کم باقان کوزلری طانیشدیرمق ایچون ؛  
 آیری ، غبری طوران قارده شلری طویلامق برلشدیرمک ایچون . انسانلری  
 دین یولتده ، علم یولتده ایلریلمک ، یوکسولمک ایچول ؛ بو یوجه لکلری  
 کورہ میہ جک کوزلری ، اکلامیہ جق روحلری قیرمق قالدیرمق ایچون . بوتون  
 انسانلره انسانلقلرینی بیادیرمک ایچون ؛ آدم اوغللرینہ آرادقلری سعادتنی  
 طانیشدیرمق ، دیلکلری فضیلتی کوسترمک ایچون . انسانلری اک یوجه مراد  
 لرینہ ایردیرمک ایچون ؛ اونلره دنیاہ ، آخرتده جنتی بولدیرمق ایچون .  
 ای ناس ، مسلمانلق بو یوجه لکلره واریلہ جق یوللردن بری ده جهاد  
 اولدیغنی سویلیور ، اوننی بزم ایچون قورتولہ یولی کوستریور . یوکسک دوشونجی  
 پیغمبریمز مسلمانلقده هر شیدن مقصدی کوسترردی ؛ یاپیہ جق ایشک ،  
 کیدیہ جک یولک سوکنی بیادیرردی . او مقصدی کوزلرده جانلاندیرردی ؛  
 یاپیہ جق ایشک مفکوره سنی روحلره آشیلاندیرردی . بوسدده سزه سوکیلی  
 پیغمبریمزک بویوک برایشنی سویلیہیم ؛ اونک کوزل معجزہ لرندن برینی  
 اکلاتہیم . مسلمانلر هنوز کوچک بر عشیرت حالتده ایدی ؛ مرکزی ده او  
 مبارک مدینہ شہری ایدی . دین دشمنلری برلشوب طویلاشدیلر ، شہرک

اوزرینه یورودیلر ، هر طرفدن قوشاندیلر . شهری قورتارمق ایچون اصحاب ، خندق قازیوردی ؛ پیغمبریمزده اونلاره برابر چالیشیوردی . خندقده بویوک بر قایا چیقدی ؛ اصحابک کوجی یتدی قالدی . پیغمبریمز مبارک اللرینه کولتکی آلدیلر ؛ قوجه قایانی ازمهیه ، قیرمهیه باشلادیلر . مبارک اللری ایشلیوردی ؛ هدايتلر ، معجزه لر صاچان آغزلی شویله بیوریوردی : [ الله اکبر ، بکا شامک اناختارلری ویرلدی ، بن شمدی شامک قیزیل کوشکلرینی کوریورم... الله اکبر ، بکا فارسک اناختارلری ویرلدی ، بن شمدی مداینک آق کوشکلرینی کوریورم... الله اکبر ، بکا یتک اناختارلری ویرلدی ، بن شمدی صنعاشهرینک قپولرینی کوریورم... ]

ای ناس ، بو بویوک معجزه بی کوریورمیسکز ؛ بونده کی حکمت نهدر ، اکلا یورمیسکز ؛ پیغمبریمز بویورمش بوتون یورده کلر چارمیش ، کوزلر طولمشدی ؛ پیغمبریمز بویورمش . بوتون وجودلر اورپرمش ، بویوک بر غلیان ایله هر کس جوشمشدی . بو سماوی سوزلردن بر مفکوره طوغدی ؛ بوتون مسلماتلری هیجانه بوغدی . صوکره جهاد بایراقلری آچیلدی ؛ اسلام اردولری اویرلره ، دنیایه یاییلدی . هر طرف مسلماتلره طوادی ؛ بوتون حکومتلر اسلامه قول کوله اولدی .

ای ناس ، یایز بو کون نیچون بویوک پیغمبریمز کی یامپورز ؛ اونک کوستردیکی بوتورلی یولدن کیتسیورز . دوشونک ، بزم بو کون نه قدر کوره جکمز یلر ، یوردلروار ؛ دوشونه جکمز انسانلر ، غارده شلر وار . اویرلرکه بزم ایکن دشمانلره قاپدیرمشز ؛ عظالت اویقوسنه طالب خرسزلره چالذیرمشز .

ای ناس ، کلیک ، بزده قلب کوزلریمزی آچوب بزده او ایلمره طوغری بز باقلم ؛ او غریب یوردلری شویله بر سیره طالهلم . الله اکبر ، ایشته عزیز مصرک ، انکلیرلرک کیرلی آیاقلری آلتده حزین حزین آغلایشی ؛ مبارک نیلک دشمانلرک چرکابندن اوزاقلره قوشان چاغداایشی . ایشته بوجه اهراملرک اوستده اوچان عقبه بن نافعک ، یاووزخاقانک بزلری اوزله ییشی ، اواتون یوردلری قورتارمهیه کیدن ارسلانلری بکله ییشی .

برده یوزیمزى بو طرفه چوپرده لم ؛ شو زواللی دیادی ده برکوردلم . الله اکبر  
 ایسته خونخوار موسقوفك استبداد زنجیرلری آلتده ایکلین قافقاس نازنینی ؛  
 ایسته بیوک مجاهد شامک مرد عسکرلری کوزلین روح حزنی . ایسته  
 اجدادیمزک بیقیق اوبه لری ؛ او ایللی قانلریه صولامش مجاهدلرک طویراق  
 اولمش تره لری . ایسته تغلیس ، او پارلاق اسکی اسکی سرایلری ؛ دنیا به اوک  
 سالان حوریلری ، آیلری . مردار موسقوفك کیرلی قوجاغنده ایچین ایچین  
 آغلایور ؛ قورتاریجی یکتلری ، آللری قانلی یاشلرله بکله یور .  
 برده دونک بو یانه باقم ؛ یوره کلریمز یانه یانه کورده لم . الله اکبر ، ایسته  
 دها دون قان ایچجی دشمنک چیکدیکی یوردلر ، اوبه لر ؛ آتسه ووروب  
 یاقدیغی مناره لر ، قبه لر . ایسته قارنلری ده شیلیمش قادینلر ، آنالر ؛ ایپه  
 چکله ش ازلر ، آنالر . ایسته واردارده ، مریچده کزن بوغوقلر ؛ سوزکو  
 اوجلریته طاقلمش باورزلر ، چوجوقلر . ایسته سونمیش ، خراب اولمش بارقلر ،  
 بو جاقلر ؛ دومانلری توتمز اولمش اولر ، اوجاقلر . ایسته قوصوه ، دشمنلر  
 اورته سنده قالمش اولر خاقان ؛ ایسته کوزل سلانیک ، سوکیلی مناستر ، نه جان  
 قالمش ، نه جانان .

ای ناس ، هایدیک جهاد سانجانی آتته دشمنلرله اوروشمه به ؛ یزی بکلین  
 یوردلری قورتارمه به ، قارده شلره قاوروشمه به . فاتمهضوا رحمکم الله .

[ بعدہ خطبہ ثانیہ قرائت اوانہ جقدر ]

شیخ اده بالی

۷ صفر ، ۱۳۳۳

## اجماع

مطاع اولان شرعی دلیللرک بری «نص» اولدیغی کی ، دیگرى ده «اجماع» در .  
 اجماع ، معنوی یا خودمادی بر انتخاب دولایسیله رسماً صلاحیت تشریحیه به  
 مالک عینی عصره و عینی محیطه منسوب بولونان کیمه لرک اعتقاد ، عبادت ،  
 حقوق خصوصلرته اتفاق ایتمه لریدر .